

357

~~1810~~

42 32 1.21

352

2

L1

GEOMETRIÆ POSTLIMINIVM



THE
VALLEY OF THE
SUN

GEOMETRIÆ POSTLIMINIVM

AVTHORE

ANTONIO SANCTINIO
LVCENSI

CONGREGATIONIS SOMASCHEN.

AC ROMÆ

IN ALMO GYMNASIO PROFESSORE.



M. in Sordano

in Campitello




MACERATÆ;

Ex Typographia Philippi Camaccij. M. DC. LI.

Superiorum Permissu.

Lib. M. S. B. ind. (white, ex. g. D. Ag. Fr. Francini Archi. Prop. Junon)



ILLVSTRISSIMO.

ALBERTO CIVRANO

PATRITIO VENETO.

A. SANCT. F. P.



ON equidem secundus tu fueras Illustissime Vir inter eos, qui ad me detulerant, à nescio quodam illudi nostra, præsertim edita occasione paucorum problematum in Geometricis deficientium; Cumq; nostra pro eodem argumento, sententiæ omnium aduersaretur, haud ignarus esse potueram minimè defuturos, qui celerius rimas aliorum excalperent, quàm onus auferendi facultatis defectus, lacunasq; adæquandi in se susciperent; hoc scilicet vt arduum nimis, illud verò vt ad genium probaturos, neq; sanè nostri conceptus, vt arma sub pallio obscuro latitabant in loco, quin mediocri, vel mentis intentione illos retegere liceret; & quidem minimè moderari fuit laboris illos continere, nimirum ob quorundam instigationem ante præscriptum ne effugerent. Id circò ignotam prorsus concipere industriam nobis consilium fuit. Vt ex Vegetio accepimus. Nulla sunt meliora consilia, quàm quæ ignorauerit aduersarius autem
quam

quam facias : Et sanè vt mihi videtur non nullos
fuisse , qui sibi suaferint , modico fuco nobis facto ,
protinus nos de campo eiecisse , & nihil virium reli-
quisse , at nimis à vero absunt ; etenim breui inter-
uallò eiusmodi dissipato fumo , absque fastu vllò ,
vel plausu ex arenâ se intelligent depulsos , cum sci-
licet ea constructa , ac munita acceperint problema-
ta , quæ nimia confidentia fuerant olim à Geometria
diuulsa . An verò intentum assequuti , siue errabun-
di fuerimus inuenti , ex eorum iudicio pendet , qui
in hisce familiaritèr se exercuerunt , cum laude , &
sanè me latere minimè potuit , tum ingenij indolè ,
tum sedulitate studiorum , at ex utroq; pro animi
dotibus te comites excessisse tuos , siue in humanio-
ribus disciplinis , ac politicis , siue in hisce elegantio-
ribus mathematicarum studijs , & hæc sanè vna fuit ca-
ussa , quæ me impulit , vt opusculum hoc tui nomi-
nis stemmate adornarem . Tibi igitur sisto , Decus
ac Germen præclarum excelsæ eius Reipublicæ , quæ
Consilio , deliberatione , prudentia , ac vigilantia a-
pud omnes nationes , se tam celebrem , quàm insu-
perabilem fecit , ac in armorum expeditionibus ,
classiumue , adeò strenuam , vt in sui admirationem
sceptra sublimium eripiat , & minora quippè obstu-
pelcant ! Et quidem vt arbitror (neq; coniectura sit
locus) id ex vnica tantum apparet propagari ratio-
ne . Scilicet quia post pietatem erga superos , in Pa-
tritorum vniuerso ordine nullus habeatur , qui cor-
di pro-

di profundius insitum retineat aliud, quàm quod
 Reip: expedire consultum fuerit. Et huic sanè vi-
 detur congruere illud Tullianum. Non potest co-
 gnatio vlla esse propior, quàm Patria: Documen-
 tum sanè vt maximum, ità ad sui prosperitatem v-
 nicum; & quippè adeò in tua religiosè custoditum,
 quàm in amplissima olim Romanorum Rep: fuerat
 nimis neglectum. Nunc verò exempla aliundè pe-
 tenda non duximus, cùm in tuis laribus, plurima
 maiorum, & prælara abundè sufficerent, at
 recentissimum habes, Bertuccius tuus nempè ger-
 manus frater. Cum in nauali classe, non nullis præ-
 esset triremibus, post minimè pauca, generoseque
 gesta, nō ne ærumnis militaribusq; confectus labori-
 bus naturæ concessit? hoc est dum Patriæ debitum
 persolueret obsequium gloriosè vitam sacrauit? ma-
 gno sanè apud omnes relicto sui desiderio, magnoq;
 documēto quales in Patriam Cives debeant esse sui?
 at hæc alijs sinamus, vt decentius; nobiliore scilicet
 stilo posteris commendentur, historiarum monu-
 mentis. Opusculum interim hoc nostrum, quale-
 cumq; sit illud, quod tibi offertur, meæ nimirum
 erga te obseruantię pignus, benigna hilariq; fronte
 accipias velim, quod si à te factum intellexero, nil
 ambigo, vel ex hoc plurimum lucis, atq; splendo-
 ris sit illi, accessurum ex ijs nimirum, quod de te,
 veluti ex auroræ nascentis gloria erumpunt radijs.
 Vale. Romæ X V. Kal. Nouembris. 1651.

Ego infraſcriptus perlegi hoc opus ab Authore R. P. D. Antonio
Saucinio noſtræ Congregationis Sacerdote inſcriptum, Geometriæ
Poſtliminium, & nihil in eo reperi contra fidem, aut bonos mores;
Ideò facultate ſuper hoc ſpecialiter mihi facta ab Adm. R. P. D.
Paulo Carrara Præpoſito Generali noſtræ Congregationis, vt Typis
mandetur concedo, ſeruatis ſeruandiſ. In quorum fidem, &c;
Romæ in Collegio S. Blaſij 23. Auguſti. 1651.

D. Petrus Paulus ab Eccleſia Procurator Generalis
Congregationis Somaſchæ.

Si placet Illuſtriſ. & Reuerendiſ. D. D. Papirio de Silueſtris Epiſ-
copo Maceratæ. Imprimatur Fr. Vincentius de Gulijs Mini-
Conuent: Sac. Theol. Magiſter, in Patria Vniu. phil. Profeſſ.

Imprimatur. Ludouicus Signorius Vicarius, & Auditor Gener.

Hieronymus Spinuccius S. Saluatoris Canonicus, Phil. ac Sacra-
Theologiæ Doctör, & S. Offic. Reuiſor vidit, & approbat.

Imprimatur Fr. Io: Baptiſta Talianus Vic. S. Officij Maceratæ Ord.
Prædicatorum,




Inter duas lineas rectas ad angulum inclinatas , præfinitam aliam ponere , quæ ad datum extra punctum pertineat .



*Problema hoc, est Apollonij de Inclinatio-
nibus, & quidem primum Pappi in pro-
loquio ad septimum collectionum librum,
à nobis inductum aliàs, nunc verò ob
eius insignem in Geometricis præstantiam*

atq; *ufum* rursus ad
evidentiùs demonstrã-
dum iteratum. Sint
itaq; *AB*, *BC* lineæ
inclinatæ primum ad
angulum rectũ *ABC*:
præfixita verò inter-
ponenda *Z*, adcò ut
porrecta pertineat. ad





D punctum extra datum . Agatur D A parallela contra B C , cuius indirectum D A accipiatur A F equalis praefinita Z , qua secetur bifariam in E ; Deinde ad intervallum E D circuli arcus scribatur , qui poterit occurrere

A ipse

ipsi BC tribus modis, vel eam non attingere; Hac tamen varietas contrahitur ad binos casus.



Quorum primus sit, cum arcus ex ED semidiametro transferis accuratè per punctum B , aut citrà ubicumque ad partes H , ut in prima, & secunda figuris; Secundus verò casus, cum idem arcus secabit BC ad partes ultra B , ut in K , aut ob nimis contractam semidiametrum ED nullo modo attingerit, ut in figuris tertia;

& quarta. Pro casu igitur primo sumatur intercapedo FB , seu respectuè FH , quæ referatur in DG lineam, deinde à puncto G erigatur interparallela normalis GC , postea innecta DC . Dico eius partem LC comprehensam ipsis inclinatis AB , BC , esse æqualem AF , seu Z . Pro secundo autem casu, linea iungatur FH , à cuius quadrato au-



feratur spatium sub ABH factum (& semper licebit, minus à maiore detrachere) postea linea, quæ residuum possit, etiam referatur in DG , & erecta ut prius perpendi-

est dicere $DG \propto$, ad $GC \propto$; ut $AG \propto$ ad $GI \propto$, & per eandem 22. sexti, latera eorundem proportionalia, scilicet DG ad GC , ut AG ad GI , ergo per 2. & 4. sexti DC , AI parallela fiunt, & triangu-
 DGC ,
 AGI similia. Cumq;



quadrato AF sit detra-
 ctum AG quadratum, re-
 siduum est quadratū GI ,
 & duo simul quadrata
 AG , GI possit ipsa linea
 AI , per 47 primi, erunt
 & duo latera AF , AI
 aequalia, at ostensa sunt
 DC , AI aequidistantes,
 & inter alias AB , GC ,
 parallelas, ergo per 33.
 primi erit $ALCI$ paral-
 lelogramum, scilicet la-
 tera LC , AI aequalia,
 fueratq; AI , aequalis AF ,
 hoc est Z , ex aequo, & LC
 aequalis erit Z , & quia


est pars DC . pertinet ad datum D punctum extra. Er-
 sub angulo recto factum erit i quod oportuit.

SCHO.

SCHOLIUM PRIMVM.

IN secunda deindè figura, linea FH, seu DG poterit quadratum distantiae AB parallelarum, & præterea quadratum lineæ præfinitæ AF auctæ, scilicet magnitudine BH, quæ semper minor erit ipsa DA, & siquidem demitteretur ex H puncto æquidistans linea ipsi BL illa infra hanc occurreret DC, & triangulum constitueretur prorsus simile CBL, itaq; pro utroque casu idem fit ratiocinium.

Secundo loco deindè sint AB, BC inclinatæ ad angulum maiorem recto ABC, & punctum extra datum D, à quo parallela similiter agatur DA ipsi BC, in eaq; ponatur AF equalis Z præfinitæ, deindè excitetur AX normalis inter æquidistantes, & sub angulo recto AXC, ex primo casu ordinetur ON equalis Z qua pertineat ad D punctum datum




(supponimus nunc arcum ex ED semidiametro cadere citrà ipsum X), postea fiat XV super AB perpendicularis, & huic equalis pariter ad angulos rectos eleuetur OG super DN, & iuncta GN alia equalis fiat XC.

Dico

DO, ad DA, Ita ON, ad AS, & altera, ve.
DL, ad DA, Ita LC ad AM, & quia DO,


& D L inaequalis.
 ad eandem D Ave
 late sunt; erit ea-
 dem ratio O N ad
 AS, & LC ad
 AM, quae DL,
 ad DO, quattuor
 igitur in analogia
 disponuntur quan-
 titates = DO.



DL, AM, AS, & factum sub extremis aequatur facto sub medijs, ex 16 sexti, hoc est DO in AS, aequale fit DL in AM, & utrumq; eidem DA longitudinis adplicatum, latitudines oriunda fient aequales, nempe ON equalis LC, at constructa fuit ON equalis AF, seu Z, ergo equabitur eisdem ipsa LC, & cum pertineat ad punctum D datum extra, factum erit sub angulo maiore recto quod oportuit.

Tercia, & postremo loco sint inclinata AB, BC ad angu-

angulum recto minorem ABC , & reliqua ut in alijs
 dentur, ad Problema construendum. Agantur DA a-
 quidistans BC , & inter normales AX , postea sub an-
 gulo recto AXN aptetur ON , ut in primo casu equalis
 Z , ut iam repetitum est plusquam, semel secabitur DN
 in O , ex quo puncto agatur OG equidistans AB , dein-
 de linea GN fiat equalis BC , Dico pariter quod iungen-
 do lineam DC , eius partem LC comprehensam incli-
 natis sub acu-
 to angulo a-
 quale esse pra-
 finita Z , ut
 prius. Ducta
 namque CM
 parallela AB ,
 ut erat NS
 ipsi AX , co-



rudem triangulorum DNS , DCM , ut in proximo ca-
 su latera secunda erunt analogicè, hoc est erit, ut

DO , ad DA , Ita ON ad AS , & adhuc

DL , ad DA , Ita LC ad AM , quo circa per eā-
 dem ratiocinationem, conclusio deducetur eadem scilicet,
 quod ON fiet equalis LC , & consequenter ipsi AF , seu
 Z , ac proinde sub angulo acuto posita linea determina-
 ta, quæ pertineat ad punctum datum extra. Ergo, & ge-
 neraliter sub angulo quocumq; plano, inter inclinatas li-
 cet ponere præfinitam, quæ pertineat ad punctum extra
 datum. Quæ igitur Geometria per proprium potest genus,
 merito

merito iubet auxilia ignobilia, ut etiam insufficientia ab ipso amoveri opere, unde & assertum Philosophi comprobatur, rectum scilicet esse sui, & obliqui mensuram.

SCHOLIUM SECVNDVM.

EX hoc primo Problemate, optimè deducetur angulum quemcumque planum, per lineas simpliciter rectas facillimè trisecari, nec in suave erit fortasse, & hic iteratam afferri praxim. Sit igitur angulus BDG datus nō rectus & qualiter trisecan-



dis; Sumatur ad libitum in linea DB punctū, à quo in aliā DG demittatur BA perpendicularis. Deindè à puncto D extra inter inclinatās AB, BC sub angulo recto ABC, ex casu primo præmissi problematis, ponatur linea præfinita, & sit illa DB dupla, nimirum ducta DC, eius pars EC æquetur duabus DB, & ipsa EC biseccetur in F, iunganturq; BF, ideoq; triangula BFC, BFE nec non BFD isoscelia sunt, ergo per 5. & 16. primi angulus BFD est anguli BCF duplus, & BFD, BDF æquantur, ergo BDC duplus est anguli BCD, & angulus DBH potest internos duos BDC, BCD, hoc est coalternus BDA

per


per 17 primi æquatur duobus simul BDC ,
 CDA , seu DCB ; ergo angulus ADC fit tri-
 ens dati BDA , & angulus acutus trisectus habetur
 per lineas simpliciter rectas: quod si obtusus
 offeratur primum per bisectionem ad recto mino-
 rem reductus, & deinde per duplicationem inuenti
 quæsitum assequatur, quod iterum per alias me-
 thodos Geometrica vbertas etiam perficiat, quæ
 non vni tantum medio adiici solet.

PROBLEMA SECVNDVM.

Angulus quicumq; planus secatur geometricè, per
 lineas rectam, & circularem.

SIT primum datus angulus AEB rectus, seu ar-
 cus AB quadrans, quem oporteat trisecare aqua-
 liter. Compleatur semicirculus BAD , & eleuetur,
 EA normalis

super BD dia-
 metram, à pū-
 cto deidè qua-
 drantes A po-
 nantur inter cō-
 positas AE ,
 EB ad rectū



angulum linea AH diametro BD æqualis, & cadat in
 H , scilicet prorogatam DB , secabitur cum peripharia
 B circuli

circuli ad punctum L . Dico resectam portionem BL , arcus trientem esse quadrantis AB , seu angulum BEL , anguli recti AEB . Demittatur LF ipsi AE parallela, & continuetur in C , sitque CL aequalis FL , fiat etiam CA aequidistans BD , ostendetur coincidere puncto A ad peripheriam. Iungatur EL . Quoniam igitur duo sunt triangula HLF , ALC , quorum anguli ad L verticales aquantur, & recti sunt ad F , & C , ex ipso opere, habentque unum latus adiacens uni adiacentilateri FL , LC aequale, ergo per 26 primi, & 4 sexti triangula sunt prorsus aequalia, & similia, ideo




HL , LA aquantur, nec non HF , CA , ergo in idem A punctum coeunt CA , AL , & parallelogrammum fit AF per 33 primi. & tota AH bisecta est in L , ideo isosceles ELH , in quo angulus exterior per 5. & 32 primi, ELA duplus erit verius vis angulorum LEH , LHE , at ALE triangulum est aequilaterum, cuius anguli omnes pares sunt, ex 15. quarti, ergo etiam AEL angulus duplus est anguli BEL (seu HEL). & componendo totus rectus AEB , triplus fit siue partibus BEL , siue arcus quadrantis AB triplus BL . Verum poterat casus iste omitti, quia vulgarem habet praxim

xim


rim, & haeret propositioni quarti casus, at quia sub hac etiam forma reducemus reliquos casus, non debuit excusari, quod erit in ceteris compendium, & directorium.

Secundus casus, sit cum detur angulus recto minor DEG , seu arcus DG quadrante minor. Completo similiter semicirculo, & ducta EA ad angulos rectos in BD ; deinde ex G puncto extra agatur GH , in diametram eductam, adeo quod eius pars inter AE , EH fiat aequalis diametro BD per primum problema, & sit NH , qua secabitur cum peripheria in L . Dico



fieri bifariam, & resectam BL portionem arcus, trientem dati DG , seu angulum BEL anguli DEG . Cadat ex L in BD perpendicularis LF , que ut supra duplicetur in C , ut sint FL , LC aequales. & repetita rationatione primi casus, eodem modo concludentur aequales EL , LH , & consequenter angulum esse BEL subtriplum anguli DEG sine BL arcum, dati DG trientem.

Tertius demum casus erit, cum angulus detur recto maior DEG . Similiter inter inclinatas AE , EB ex puncto G inueniatur punctum vt N , adeò vt comprehensa sub angulo recto NEB sit aequalis diametro BD : deindè porrigatur EA in I , ita quod aequales sint NA , AI : postea ex I puncto per G continuetur linea vsque dum occurrat diametro eductæ, vt in H . Dico IH aequalem esse diametro BD , & resectam BL portionem trisientem dati arcus DG . Cũ itaque IG consistat citra tangentem circulum ex I puncto, secans, etiam in alio puncto, vt L secabit, ducta vt prius FL in C , vt aequales sint LF , LC ; ergo ex ipsa constructione, vt in primo casu, triangula HFL , ICL aequalia sunt, & ob rectangulum, CE aequales sunt CI , & FE , hoc est FE aquabitur FH : ergo per 4 primi LFH , LFH



triangula aequalia, & similia, scilicet semidiametro EL aquatur LH , & tota IH erit dupla ipsius EL , hoc est DB diametro aequalis, etenim ostensa sunt IL , LH , aequales: ergo isosceles sit triangulum EIL , ita ELH ,
nec

nec non GEL ; per igitur, & 32 primi angulus ELG , seu EGL duplus erit utriusvis angulorum ad E , & H interiores aequales in triangulo ELH ; at in triangulo EGI , ipse EGL exterior aequat duos GIE (seu LIE) & IEG . Ponatur IEG aequalis IEK , crit angulus LIE , seu LEI , una cum angulo IEK angulus LEK , aequalis angulo LGE , hoc est GLE ; ergo LEK duplus fiet anguli LHE , siue ob aequalitatem anguli LEH , (dicas LEB) quare componendo angulus BEK erit triplus anguli BEL ; verum ob aequales AK , AG arcus abs quadrantibus sublati, sunt BG , DK equales: idcirco angulus BEK est ipse arcus DKG , siue angulus DEG , & cum BK triplus sit sue partis BL , sectus erit datus DG tripartito, & equaliter, cuius triens sit BL , & angulus DEG , ter diuisus per angulum BEL . Quicumque igitur rectilineum angulum Geometria trisecare nonit per Euclidis praecepta: factum ergo exit quod imperatum fuit.

M O N I T V M.

CUm exponeretur angulus Quadrantis cum semisse, complementum eius ad duos rectos, seu semicirculum, sua natura fieret triens dati, & in quolibet casu diuisa base trianguli aequaliteri AEL bifariam, & in primo, parallela DB exhi.

exhibet L punctum in peripheria. In secundo si bifecetur NE , & in tertio ipsa IE assequetur idem L punctum. Cæterum dependenter à casu primo, punctum N potest excusari, & componere præcisè magnitudinis lineam, quæ posita à puncto G ipsa sit GH , cuius pars NH æquetur ut prius ipsi diametro, vel etiam ex H per L , ipsa HL sit equalis eidem BD , & hæc quidem effectio simplicior, & naturæ conformior referuetur in alio opusculo, ad ampliorem scilicet Geometriæ amplitudinem.

SCHOLIUM.


Posset fortasse alicui minus exercitato dubium videri in demonstratione præmissa, an erecta CN (ut in secundo casu) perpendicularis conveniat ad N punctum, quo se secant HN diametro BD æqualis, cum AE , & in alijs casibus, in A , vel I , ut igitur omnem scrupulum tollamus. Cogitetur circa diametrum HN ex L circulus descriptus, & transire per E , docuit 3. 1. tertii, ergo dupla NC , & EH corda in circulo æquidistantes à centro per æquales LF , LC factas, & ad angulos rectos per 3. & 1. 4. tertij, erunt NC , FE æquales, & idè per 4. primi, & LN , LE æquales, ergo ut LE , FE in perpendiculari AE linea conveniunt, etiam LN , CN , in eadem coincidere necesse habet, & ob angulos rectos ad E , F , & C , parallelologram.

logrammum fiet rectangulum CE in omni casu problematis, & in primo CA tanget circulum ex coroll. 16. terrij, & constat igitur propositum. Deinde in tertio casu punctum N ponetur, vt in secundo, si inter AE, & ED ad rectos compositas ex primo huius, ex puncto G extra dato, apre- tur æqualis diametro BD, nec vlla diuersitas accidit in trisectione obtusi, vel acuti anguli.

PROBLEMA TERTIVM.

Angulus planus triseccatur cum sit sua natura circularis per simplices arcus.

SIT semicirculus, siue summa duorum rectorum angulorum, in quo de- tur angulus, seu peripheria circuli competens triseccanda, & ponamus. Primum arcus datus sit quadrans BC, siue semicirculi semissis, seu BAC angulus rectus (cogitetur AC ducta) iste casus vulgaris est, & simplici transpositione circini sub amplitudine semidia- metri BA, seu BE in C. L. per- fitur, & propter alios casus præstat suam constructionem




non

rallela DE , & hac in sequentibus adhuc intelligetur ducta, & fiet communis, quod verò peculiare est in presenti casu est inter BD , & CF parallelismus, demonstratio deinde sequetur infra.

Tertio deinde loco arcus datus cedat trienti circuli; quadranti verò præstet, hoc est arcus expletionis ad semicirculum DC superet sextantem BE , tunc ut in

secundo casu veniat super BC cordam arcus dati perpendicularis HG , ac prorogetur ad usque diametrum BD , quam secet in M , deinde linea ex M in F punctis datis, secabit FM peripheriam BC nouo puncto in L . Dico & BL trientem fieri dati arcus BC .

Quarto, & postremo loco arcus BC sit triente circuli maior, hoc est




C

exple.

sunt. arcus FH , GI ob angulos oppositos FCH ,
 GBI per 21 tertij, apponatur communis GH : erunt
 FG , HI aequales; postea à similibus CG , CL de-
 ducti similes GI , LE , erunt reliqui CI , CE si-
 miles etiam, ut ex triangulis ostendi possit. Igitur si
 rursum CI , CE similibus arcibus, similes accedant
 DC , HI , erunt compositi arcus DCE , & CIH .
 similes erunt, hoc est DE

& CH , sic adhuc simili-
 bus similes copulando BF
 $\times FH$, & $BL \times LE$
 hoc est BH , & BE si-
 miles sunt, & evidens sit
 eadem similitudo DE , CH ,
 cum BE , BH , quia sunt
 inuicem expletiones ad se-
 micirculos: ergo permutan-
 do ex 16 quinti eadem si-
 militudo erit CH ad BH ,
 quæ DE ad BE ; &
 per conuersionem, similitudo
 ad similes, ita CH ad CG , quæ BH ad BF , sed
 fuerat una, & eadem similitudo CG ad CL , quæ
 BF ad BL : igitur ex aquali per 22 quinti, una erit
 similitudo rationis CH ad CL , quæ BH ad BL ,
 & per 16 quinti permutando eadem CH ad HB ,
 quæ CL ad BL , sed fuit DE ad EB , ut CH ad
 HB : ergo per 17 quinti erit CL ad BL , quæ DE

$C \quad 2 \quad ad EB$



*ad EB, & componendo etiam fiet CB ad BL, quæ
semicirculi BD ad BE, @ fuit tripla, ergo arcus
BC triplus sue partis BL, qui relati ad angulos an-
gulus BAL triens dati BAC, quod erat faciendum.*

SCHOLIVM PRIMVM.

Forma, qua vſi ſumus argumentandi à ſimili-
tudine arcuum ad cordarum ſimilitudinem,
non eſt experitioribus, qui improbare cogitaue-
rint: pro ijs verò qui minus verſati fuiſſent, diſcant
vel à propoſitione 3. octauſi libri Geometrix pra-
cticæ Clauij, quod legitima eſt, & probata forma,
cæterum in qualibet figura præmiſſi problematis,
ſimilitudo triangulorum BED, KIB (in primo
ſchemate AIB) procedit in analogiam; nam
BIK triangulum, non attingit cum recto BIK
angulo ad peripheriam, neque angulus eſt BKI
in centro, vndè non veras magnitudines effert, &
ideo ad peripherias deducti latus KI fit KL, &
conſeruat æqualitatem in LC, & BK tranſit in
BC, vt pro BIK triangulo rectangulo, acqui-
ratur ſcalenum obuſangulum BLC.

SCHOLIVM SECVNDVM.

Si daretur arcus, ſeu angulus ad cò paruus, vt
difficilior experiretur effectio triſecandi, adeſt
paratum

paratum; facileq; remedium, scilicet, ut pro par-
uo accipiat ad trisecandum complementum eius
ad semicirculum, hoc est in quarto casu pro DC su-
inatur BC, ut iam trisecandū, iuxta formam exhibi-
tam, & sit BL triens: & quia per 19 quinti est to-
tus BED arcus ad sui partem BE, ita totus arcus
BC, ad sui partem BL, permutatim dicetur ut
BD ad BC totus ad totum, ita ablatum BE ad abla-
tum BL, erit & reliquus DC ad reliquum LE; er-
go iste LE triens est dati DC. Idcirco effectio tri-
secandi angulum planum, per geometriæ principia
exercetur pluribus medijs, ita quod ineptum sit
asserere problema non fuisse Geometricum, & de
genere planorum, immò pro inveniendis L puncto
in quolibet casu sunt adhuc non iniucunda com-
pendia, at quam selegimus forma vsa fuit com-
munior.

PROBLEMA QVARTVM.

Inter datas extremas duas inuenire lineas medias
continùe proportionales.

AD hoc problema construendum, ex Platonis mo-
nito abduetum fuerat illud Deliacum nuncupa-
tum, scilicet de duplicanda ara, forma figura seruata,
qua cubica fuerat; nam ex huius inuentione, illud sta-
tim iri perfectum, ex preceptis Geometria neminem
lases




latet, qui aliquatenus de facultate eiusdem degustavit: at quantum laboris, ac industrię sapientiores illi, vt inuenirent apposuerint, videre est non tantum apud Geometras, verum etiam penes claros philosophos, historicos, Poetas, & tantum proceſſerat in hoc eruendo difficultas, quod quasi consensu indiſſo, ſibi ſuaderent, rem inter impoſſibilia facultati redactam fuiſſe, quia poſt præclariffimos Authores per varia, & continuata ſæcula, nihil amplius ſeu perfectius eductum fuit in lucem; verum enim vero inſolens admodum foret, ſi quis in diſciplinis vellet illud ponere, Non plus ultra: rumor igitur quidam iam delatus ſpem inſinuauerat, ex Iberia methodus proditura, qua nodus tandem ille Gordius ſolueretur, non enſe Alexandrino, ſed Megarenſe filo: at vt videre licuit ſpes illa euauit, quum præter repetitionem antiquarum, ac acceſſionem vnius, vel alterius ex neotetricis, attulit nihil quod conduceret, immò impropria ſuere Geometrię cumulata, confirmando nempe ea, quæ ſemper facultas improbauerat, quaſi deſectus in ipſam omnes reicientes, & quod nequeat præſtare tam ſibi neceſſaria, ego quippe nunquam potui aliorum placitis acquieſcere, nec deſpicere valui, quò impotentia iſta latitaret, & videbatur mihi portentum, tot ingenia præclara, & quæ tam diuitem fortasſe vberſattem antiquorum, theſaurum reddiderunt mathematicum, hæc aliquando pro indigentia Geometrię non adplicæſſent, nam facillimè detexiſſent, quæ fuiſſet in hac arena natura ſemita, ſcilicet non vna vniuerſali ratio-

ne licuisset casus comprehendere; & sub una quidem demonstrandi forma, complecti postea, quæ in constructione aliquam requisierant veritatem, quod quidem in præmissis à nobis observatum, & in constitutione abdukti problematis huius prosequamur, sic quilibet nos ante laborem hunc sibi poterat suscipere; si ad ingressum oculos posuisset, at quia haud ingratum fore speramus, (præsertim ingenuis, hoc est qui sine liuore alienas excipiunt curas) si nostri progressus rationem exponamus.

Vt igitur perspicuè magis succedat, accipiamus aliquem modum ex illis veterum, & sit illum Philonis Bizanti, sive Apollonij Pergei, relatum à Philopono in commentarijs ad lib. primum posteriorum Aristotelis, qui sic habet.


Sint datae duæ rectæ lineæ inæquales AB , BC , & ponatur ita ut rectum angulum contineant, eum qui sub ABC , & compleatur parallelogrammum BD , & diameter ipsius ducatur AC , & circa triangulum ACD describatur circulus $ABCD$, & producantur lineæ BA , & BC in rectâ usque ad F , & G , & coniungatur F



G tran-

Assumatur rursus aliqua ex premissis figura, cum suo puncto E inuento ex constructione, in qua demonstrationis, ergo linea $E A$ iungatur, cui parallela ardinetur $C H$, & erunt facta in parallelogramo rectangulo latera $A B$, & $C D$ punctis I , & O , & iungatur $A H$, erit aliud rectangulum in circulo $A E C H$. Et quia anguli $O C B$, $O A D$ eidem peripheria $D E$ insistant equales sunt per 22 tertij, & recti sunt qui ad D , quia in semicirculo ex 31 eiusdem, ac reliqui etiam ad O verticales, quare equiangula sunt triangula $O E C$, $O D A$, & per 4 sexti homologè sumpta latera proportionalia habent. Et quia intra idem $A B C D$ parallelogrammum est Rhomboides $A I C O$, & duo latera $A I$, $C O$ aequalia detracta ex aequalibus $A B$, & $C D$ relinquunt aequalia $B I$, $D O$: ergo triangula $B I C$, $D A O$ sunt equalium laterum prorsus, & similia, & eodem modo similia, & aequalia sunt $A H I$, $C E O$ triangula: præterea similia adhuc sunt triangula $A D O$, $A E F$, ob communem angulum ad A , & rectos $A D O$, $A E F$, ac reliqui ex 32 primi $A F E$, $A O D$ equales sunt: ergo per 4 sexti erit $A E$ ad $E F$, ut $A D$ ad $D O$, & per 16 eiusdem, factum sub extremis $A E$, & $D O$ aequale erit factum sub medijs $A D$, & $E F$. Deinde cum sint in ordine uno tres lineæ $A E$, $D A$, $D O$, tribus alijs in ordine alio equales ex serio lineæ $H C$, $B C$, $B I$, si igitur repariatur quarta in analogia ex 12 sexti, necessario, & aqua-

æquales, nempè EF ipsi CG , & CF , ipsi EG :



ergo rectangulum A

FD æquale rectan-

gulo sit EGC , at per

teandem 36. tertij E

GC æquale est re-

ctangulo AGB : quia

similiter ex G pun-

cto extra incirculi

cadunt GE , &

GA , illum facien-

tes; Ideo AFD re-

ctangulum, æquale rectangulo est AGB , & æqua-

litas in proportionem resoluta, erit AG ad AF ,

ita FD , ad BG , sed ut AG , ad AF , ita BG

ad BC per 4. sexti propter similia triangula AFG ,

BGC : est autem DC æqualis AB , & AD æqua-

lis BC : Igitur erit AB ad FD , ita BG , ad BC ,

Erat autem ut AG , ad AF , ita FD , ad BG .

ergo ut AB , ad FD , sic ipsa FD ad BG , & ip-

sa BG ad BC . Igitur continuè quatuor sunt pro-

portionales AB , FD , BG , BC , & due medie

inuenta sunt inter extremas, & quidem Geometricè,

ita quod secure, & per facultatis præcepta redire licet

ad problema principale de sectione solidi vel cubi, au-

gendo, vel minuendo; & pariter ex hoc etiam metho-

do constat rationem quamcumq; datam tripartito seca-

re, quod hactenus à nomine factum nobis occurrerat:

PRO-

PROBLEMA QVINTVM

Aliter in data ratione, Cubum seu solidum secare
in simile.

P Appus in suis collectionibus mathematicis authorum aliquot modos retulit, à quibus problema hoc tentatum fuit ad soluendum, & suum bis exposuit, prius ad 1. propositionem tertij, deinde ad 12. octauj, vbi sequentia habet.

Organica multa sunt species, & partes; alia enim
à mechanica, & Gnomonica, & ea tractatione,
qua circa aquas versatur ratione considerata, per
instrumenta ab ipsa censetia demonstrantur; multa
verd, & seorsim, à mechanicis extrinsecus ab ea
perficiuntur, & non nulla qua Geometricis rationibus non facile tractantur, assumens instrumentis ad faciliorem constructionem perduxit. Statim igitur problema, quod Deliacum appellatur, cum natura sit solidum fieri non potest, vt Geometricis rationibus innixi construamus. Quoniam neque coni sectiones facile est in plano describere, instrumentis autem mutatum in manuum operationem, & constructionem magis idoneam ea, qua ab alijs exposita est sic reducetur propositum. Dico autem cubum, cubi duplum inuenire, non solū autem duplus inuenitur per subiectum instrumentū, sed etiam generaliter proportionem habens quamcumq; datam.


Descri-

Describatur igitur semicirculus ABC , & à centro D ad rectos angulos ducatur DB , & moueatur regula quedam circa A punctum, ita vt vnus terminus clauulo quopiam apretur A , reliqua verò pars circa centrum inter BC moueatur.

His ita constitutis propositum sit duos cubos inuenire, qui inter se datam rationem habeant. Fiat proportio BD ad DE eadem, qua data est, & iuncta CE producat ad F : moueatur autem regula inter BC , donec pars eius intercepta lineis FE , EB , aqualis sit ei, qua inter BE , & circumferentiam BKC intericitur, hoc enim tentantes semper, & transferentes regulam facillè assequemur; factum iam sit, & regula positionem habeat $AGHK$, itaut GH , & HK sint inter se equales. Dico cubum factum ex linea BD ad cubum ex linea DH datam habere proportionem, scilicet, qua est BD ad DE .

Intelligatur enim circulus completus, iunctaque DK producat ad L , & iungatur LG , ergo LG parallela erit ipsi BD , propterea quod HK aqualis est HG , & KD ipsi DL : iungantur etenim AL , LC , quoniam angulus GAL in semicirculo est rectus, & perpendicularis AM , est vt quadratum ex LM , ad quadratum ex MA , hoc est vt CM ad MA , ita quadratum ex AM ad quadratum ex MG ; etenim vt LM ad MA , ita MA ad MG : ergo vt quadratum ex LM ad quadratum ex MA , ita quadratum ex MA ad quadratum ex MG .
etenim

CM ad MA , communis apponatur proportio
 AM ad MG , ergo proportio composita ex propor-
 tione CM ad MA , & ex proportione MA ad
 MG , videlicet proportio CM ad MG , eadem est,
 que componitur ex proportione quadrati AM ad qua-
 dratum MG , & ex proportione AM ad MG .
 Sed proportio composita ex proportione quadrati AM
 ad quadratum MG , & ex proportione AM ad
 MG , eadem est, quam ha-
 bet cubus, qui
 fit ex AM ad
 cubum qui fit
 ex MG , ergo
 CM ad MG
 proportio est ea-
 dem, quam cu-
 bus ex AM ha-
 bet ad cubum
 ex MG : ut au-
 tem CM ad
 MG , ita CD ad DE , hoc est BD ad DE ;
 ut autem AM ad MG ita AD ad DH ; ergo
 & BD ad DE , que est proportio data, ita cubus
 ex BD ad eum qui fit ex DH cubum. Hactenus
 verba sunt Pappi.




Ingenuitas plane ignorat, neque conducens est,
 in viros preclaros inuohere, at dissimulare progressus
 E disci-

disciplina, nec manus permittit, nam quælibet facultas sensum, & decursu temporis sua acquirit incrementa, Pappi sententia fuit, & communior antiquorum hoc problema esse suæ naturæ solidum, & quod iun-
tendo Geometricis rationibus construi nequeat, cui sententiæ adhaeserunt hactenus Authores, nos verò in contrarium sentiebamus, & quos experti sumus aduersarij nobis improbarunt illudendo, ideo præter eam, quæ supra aduersus aliorum sensum attulimus, aggredimur modo per Euclidæa documenta inuentionem præmissam Pappi purificare, ut legitimè scilicet remoto mechanico, construatur.

Sint itaque in circulo duæ diametri AC , BD ad angulos rectos ductæ, & ratio extremarum data, ea sit, quæ BD ad DE , in qua etiam fiat cubi exhibendi, igitur oportet duas medias inter illas continuè proportionales reperiri. Agatur linea CEF , quod huc vsque Author feceras, deinde iuncta corda quadrantis AP , à qua remoueatur portio AT æqualis corde AF , reliqua verò PT , secetur bisariam in O , ex quo puncto per centrum D agatur linea, siue diameter altera LK . Dico hoc puncto K effici problema, nimirum ducta AK , qua secabitur BD in H , esse DH secundam maiori proximam in serie quatuor proportionalium, quod est questum.

Post ductam LK , agatur LN æquidistans diametro BP , quæ erit ad rectos angulos super AC in M , iungantur NK , & CN , deinde ponatur LG ,
(ubi

(ubi scilicet CF , LN se secant) dupla DH in linea DB . Et quoniam est LK ad DK , ut LG ad DH , per ea, quæ Authores demonstrarunt, ut colligit ad 6 sexiti in Scholio Clavius, linea, iungens GK transit accurate per H punctum, & demonstrabimus statim pertinere per constructionem præcisè ad A punctum. Et quia triangulum $L GK$ habet latera LK , KG secta bisariam, hoc est GH , HK sunt equa-



les, etiam in GNK linea NK secatur bisariam in S , & ad rectos angulos per 3. tertij; ergo per 4. primi NH , & HK sunt æquales, & tres GH , NH , HK ad unum punctum H , quod erit centrum circuli transeuntis per GNK : & quia tam angulus NHK , quàm huic verticalis AHC bisariam sectus erit per BD , & anguli ad D deinceps recti sunt; ergo

E 2 per

media, erit in serie tertia, & quatuor continuè proportionales BD, DH, DX, DE. Igitur cubus super BD ad cubum super DH, erit ratio, ut prima BD ad quartam DE, minuendo: vel è contra cubus super DE ad eum, qui supra DX cubum, in ratione prima DE ad quartam BD, augendo. Idem vero concluditur de solidis similibus super eas constructis, quia ex 11 definitione quinti, & 36 undecimi iuxta Campanum in triplicata sunt ratione homologorum laterum: at reliquum demonstrationis in nostra constructione, nec hilum discedens ab ea, quam superius attulimus ex Pappo, repetere non est opus.

A D N O T A T I O.

E Vrocius in opera Archimedis celebris commentator, monumenta eorum, qui de hoc argumento egerunt collegerat, animaduertit trium Authorum, scilicet Heronis, Apollonii, & Philonis inuenta in vnam conuenisse methodum, nec non aliorum trium Dioclis, Spori, atque Pappi, etiam in vnam coincidisse, propter formam demonstrandi, reliquorum verò qui per Conica, ut Menechmus, ab antiquis non receptus in Geometricis, vel ipso Pappo attestante, deinde instrumenta inuenta à Platone, Archita, Eratosthene, & Nicomede, cum magis à Geometria aliena, & consequenter minus apta, à materia ipsa repelli,

nos

nos verò eam apposuimus curam, vt præcedentia per Geometriæ præcepta expurgata recipiantur legitimè, non tamen nouum intendimus instruere litigium, quum minimè ignoremus, aliqui ex neotericis, non vtique de numero, ac peritissimi contendant doctrinam Conicorum posse inter plana recipi, ac si ad eorum Genesim intendant, durum videtur huic sententiæ assentiri.

PROBLEMA SEXTVM.

Intèr datàs extremas duas inuenire medias continuè proportionales.


Iterum & tertio hoc idem ad construendum Problemæ aggredimur, & quidem per methodum Vietæam, hanc etenim vnicè reperimus nonam, neque simulari vetustiorum formis, & siquidem suum deponat inductum postulatam, nil minus alijs idoneam demonstrabimus. Author itaque ad V propositionem supplementi ita habet.

PROPOSITIO V. SUPPLEMENTI VIETÆ.

Datis duabus lineis rectis, inuenire inter easdem duas medias continuè proportionales.


Sint

Sint datæ duæ lineæ rectæ Z , X , oportet invenire inter Z , & X duas medias continuè proportionales. Sit Z maior, X minor. Centro A , intervallo AB æquali dimidiæ Z , describatur circulus, cui inscribatur BC ipsi X æqualis; producaturs autem BC in D , facta BD dupla ipsius BC , & iungatur DA , cui agatur parallela BG indefinita, producaturs etiam DB in-



definitè, & ab A puncto ducatur ad duas BG , BH , recta $KAIGH$ secans ipsas quidem BG , BH , in punctis G , H , ita ut GH sit æqualis ipsi AB ; circulum verò in punctis I , K , quorum proximius ipsi H sit I . Dico continuè proportionales esse IK , HB , HI , BC . Quoniam enim constructæ sunt parallelæ DA , BG , idcò est ut HG , ad HB , ita GA ad DB , est autem HG ad IK , sicut BC ad BD , ut simplicium videlicet
ad


ad duplum. Quare est ut IK ad HB , ita GA ad BC : ipsi autem GA addatur GH , auferatur autem AI . Quoniam igitur GH , AI sunt æquales, erunt quoque HI , GA æquales; ergo est ut IK ad HB , ita HI ad BC , ab H igitur puncto extra circulum sumpto, educæ sunt duæ rectæ ipsum secantes, & quod fit sub exterioribus



earundem partibus videlicet HB , HI æquale est ei, quod fit sub interioribus, videlicet IK , BC . Quare partes exteriores permutatim sumptæ sunt continuè proportionales, nempe IK , HB , HI , BC . Datis igitur duabus lineis rectis Z , X , id est IK , BC inventæ sunt inter eas duæ mediæ continuè proportionales HB , HI , quod erat faciendum.

Igitur pro constructione nostra, ex præmissa eam recipimus partem ad usque BG ductam æquidistantem DA , quia ritè se habet, ulterius verò inspicendum est, ubi eadem BG secet circulum, quod ex data extremarum ratione diversimodè se habere oportet.


Ponamus primum quod secetur circulus infra BC (æqualem X) & quidem in medio arcus puncto, scilicet F , ut in figura secunda; tunc demissa ex A in




BC perpendicularis AL , & prorogata in F erit semidiameter AF , cuius quadratum auferendum est è quadrato diametri, & linea potens reliquum ponenda æqualis BH , nempe indirectum CB ; deinde ex dato H puncto iungatur HA , & secabit circulum utram in I , parallelam verò in G . Dico quasitas proportionales continuè esse IK , HB , HI , BC , quarum extremae IK , BC sunt datae Z , & X .

Deinde secet eadem BG parallela DA arcum
F inter

inter BF ; ut in tertia figura BO , aut tantum attingat circulum in B puncto cadens tota extra (quod continget, quum ratio Z ad X fuerit dupla) etiam




demissa perpendicularis ex A in BC , & producta occurrat eidem BG ad F punctum, ut in figura



quarta, eodem modo quadratum AF sublatum, è
qua-

Demum eadem parallela BG secet circumulum
supra ipsam BC minorem extremarum, & sit corda
 BO , qua pariter secetur abs AL perpendiculari:




tunc sumatur li
nea potens qua
dratum AL ,
& semidiame
tri quadratum,
(& illa sit que
duceretur ex L
in E) que in
directum pone
tur ipsi CB ,
veluti BH , &

rursus iuncta $HA K$ fient eadem proportionales $I K, HB, HI, BC$, & omnium harum effectio-
num ratio perspicue explicabitur Lemmate sequenti.

LEMMA.


IN triangulo rectangulo ABH , sit latus AB reliqui BH in potentia subtripulum, hypotenusa AH dupla erit AB , quod vel initiato neminem latere supponimus; at rectus angulus augeatur magnitudine lateribus inuariata, & sit obfusculum ABH in secunda figura: iam ex 12 secundi quadratum lateris AH maius est quadratis HB , BA rectangulo HBC (sive HL bis

bis) quod equidem rectangulum erit quadratum
 lineæ inter HB , BC mediæ proportionalis, sitq;
 HI . Cum autem secunda HB posita sit in serie à
 prima IK , hoc est Z diametro circuli, tres erunt
 in serie IK , HB , IH , immò addita BC , qua-
 tuor inuentæ habentur ex datis extremis; excessus
 itaque quadrati AH supra HB , BA quadrata,
 erit æquale eidem rectangulo HBC , scilicet qua-



drato HI , aut AG , si agatur BG parallela du-
 cendæ AD in duplam BC , videlicet BD , &
 totum hoc per omnes casus non fuit valdè obse-
 curum ad determinandum ipsius HB secundæ:
 itaque videtur prorsus coincidere cum effectiōne
 Vietæ (amisso videlicet à geometrico) nam ex
 H puncto in circulum dux sunt incidentes lineæ
 HBC , HIK , & quod ab interioribus fit rectan-
 gulum æquale est ei, quod ab exterioribus; ergo
 viciſ.


tur æqualiter, & NL , CF se se secabunt in G . Agatur NC , KA , quæ æquales chordæ erunt ob arcus æquales, se etiam secantes in H : tria igitur ostendere est necesse, & æquales fieri GH , HK ; deinde tres lineæ AK , CF , NL in vna secari puncto G ; possemus tres etiam AK , CN ; BD in vna conuenire puncto H : Quoniam æquales sunt tam arcus AN , CK , quàm anguli AKN , CNK , & recti sunt GNK , XKN , & reliqui NGK , NXK erunt æquales ex 32 primi: at per 26, triangula duos angulos, & vnum commune latus ha-



bentia NGK , KXN aequalia, iterum per 4 sexti similia euadunt, & GK , NX æquales erunt; sed in duobus NHS , KHS triangulis per 4 primi æquales sunt NH , HK , quare, & inter se, & GH , HX æquales; at propter coalternos angulos NXK , XNG , nec non NGK , GKX æquales, isoscelia fiunt NHG , KHX , quare omnes GH , HK , NH , HX sunt æquales inter se, &

ter-

constat primum GH , HK esse aequales inter se, & tertium sit evidens, quum H punctum, ut centrum commune sit tribus GK , NX , BD , aliis non essent latera, & triangula aequalia, secundum vero quod AK secet NL in puncto G , quo se secuerant CF , NL , quia similia sunt AIK , ADH , AMG triangula, & iterum similia AMG , KNG , aliis



constans similitudo destrueretur: praeterea AG diameter sit in quadrilatero $AFGM$, quod est in circulo ob rectos ad M , & F (si intelligatur ducta AF) ergo tres conveniunt AK ,

NL , CF , ad reliquum demonstrationis. nihil opus est apponere, cum optimè theorema Authoris processisset; ergo totum illud quod proposuerat Euclides in libris *V solidorum*, si duo adscripti Hysicli recipiantur, exerceri debent, & possunt per doctrinam planorum, quia ex planis constituuntur, & contra rei naturam est sustinere aliena, illegitima, & inaccurata.

FINIS.

FRANCISCO STELLVTO

ACADEMICO LYNCEO.

S. P.



ON equidem inopinatum V. Claur
ambiguum apud me fuit, minimè
defurum, quod nostrum ab ali-
quo, pro Geometria assertum op-
pugnaretur, etenim in compertum
mihi, fuerat, incommoda haud paucis, ac mo-
lestias foret, allaturum, quum habeantur plu-
res assueti à geometrica adco fovere, ac patro-
cinari, qui eadem inter germana facultatis e-
tiam velint familiæ cooptari, & hoc sanè non
minùs doctrinæ veterum, quam rei naturæ,
quod difficile est tolerare, aduersetur. Er si-
quidem disceptatio à quopiam instituta modum,
seu decentiam recepisset (ex quo hisce incita-
mentis magnum accedere disciplinis incre-
mentum, haud sit inexploratum) sua utique
laude non debuisset fraudari author; at ubi
moderaminis, ac ciuilitatis oblitus (propter
vsum an in naturam transferint) mores, sanè
assumpsit plagios, vndè sibi vsurpari muneris
ignorasse fines ostendit, proindè honorifico cen-
soris ammisso, contumeliosi odibile nomen
comparauit, & quis ille fuerit, vt liberrimè li-
G ceret

ceret; quasi ageret sub persona indicia minime sustulit; at ingenio tantum valere haud potuit, quantum in animo fuisset pessum dare nostra; verum eo minus videretur ad intentum collimasse, quo aduersum nos impetu ampliore ducetur: quo circa facta argumenti abductione, & conati ex nostra imbecillitate velle abstrahi, è viribus facultatis ea, quæ sibi competunt à natura, ut propria, nimis planè fuit in aperto aberrare lumine: à diuersis namque non tenet illatio. Itaque nos approbatum admisimus consultum; aliud scilicet recipiendum non esse, ex inurbano illius themate responsum, quam mentem ab eo auertere, & quantum decet inofficiose ad eò prolata negligere, ac obliuisci. Etenim quæstiones aculeatis coalescere verbis, at operis effectione facile dirimi, exemplis bene multis experientia nos instruit. Neque ego sum meæ exiguitatis ad eò ignarus, quò minus inter generosum, ac animalium pigerrimum discrimen virium animaduertam: Pumilio etenim in monte consistens, quis ignorat, vnquam fieri magnus? at procul dispicere potuisse, quam eiusmodi ascensum, qui neglexissent, nemo utique sanus inficiari auferit. Liberum planè cuicumque fuerat hoc instadio descensum, & se probare, & nihil modo inhibet (quod maxime optamus in obsequium geometrix ab aliquo fieri) potiora exhiberi, ijs nimirum quæ

quæ sub obſcurè primum ; deinde non nihil poſſibilitatis lumine auſta ; quæcumq; vero eduſta modo ſint ſuæ formæ congrua, aliorum eſto iudicandi munus, & ſi quidem minime improbari à te ſenſero, à me tuum pro multis putabitur ; nā quantum in hiſce ſtudijs profeciſſes, nec ſi vellem ignorare debui ; at vno perſtringam verbo, nullū equidem in facultate vitiū fuerat, nec aliud quod obſtaſſet, quò minus duo illa problemata controverſa, per ſimplicia elementa directè perficerentur ; ſed in culturam omnem latitaſſe culpam, nucleus, & cardo fuit noſtræ diſceptionis. Si verò aduerſariorum arma ex pluteis eorum ſumpſerimus, hoc eſt eorum inuenta proferantur à geometrico, quo laboraſſent, repurgata, non ne erit ſuppreſſis ſcilicet amaris inutilibusq; verbis, opere, & effectione abundè reſpondiſſe ? aut oportune (ignoſce quaſo) quaſi Alexandrino enſe nodum ſoluiſſe ?

Ceterum quia nobis cunctantibus accepimus à non nullis modeſtiſſimè ſuccenſeri, quos inter, nec rarò te videram, conquerentibus ſcilicet, cur pro re tam mole parua tantum temporis admile-
rim, & quia aliquos percepiſſent nobis inſultare ? at quia inter humanos actus, contingere illud experimur, quod in rebus conſtanter à natura directis, videlicet, vt cuncta maturè erumpant, magnum in tempore ineſſe momentum, & illi viden-

tur prudenter agere, quorum consilia à temporis potestate oppugnari minime concedant. Non nulli deinde sunt, qui profiteantur nunquam aliena, nisi ad vellicandum inspicere, at quo modo postea exerceatur, cum arbitrium fiat, necesse est omnium sustinere mixturam, interim ut curiositati aliorum, & tibi faciam satis, si ex rationibus, quæ in decursu contigerant vnam exposuerō, fortasse dabitur intelligi, minus fuisse integrum aliter deliberare, sua videlicet non expectata oportunitate.

Vossius Scias igitur me aliquando incidisse in quoddam volumen post humum authoris in humanioribus literis præclari nominis, & ubi de mathematicis ageret disciplinis, reperi, ex Belgicis typis noua haberi in Euclidem Commentaria, quibus præ alijs author (Gentilitio ibidem nuncupatus) de immessione duarum inter datas lineas proportionalium, nec non de trifecando angulo tractatum pleniorē addidisset, tūm *Riccardus* iuxta veteres, tūm iuxta recentiores, &c. quo circa ob argumenti symbolum, conceperam consentaneum fore nostri opusculi continere progressum, vel ad vsque liceret exemplar inspicere, quod quidem in Vrbe, aut alias citra montes, ubi commercia habentur vberiora minimè repertum. Commodum nostra sollicitudo ultra se extenderrat, & per Venetos bibliopolas ad nundinas Francfur-

farthenſes, vnde ſpes in vnis facta aſſequuturum ex
 ſubſequentibus (teneri porro conuentos illi his in
 anno nemo neſcit) at poſtea in nihilum reſoluta
 fuit. Inſtitores etenim minimè reperiffe renun-
 ciarunt, quibus non potuimus fidem non adhibe-
 re, quos tamen immunes minimè fecerant, ne-
 gligentia, aut obliuione ſimul opinio, ſeu ſuſpi-
 cio, interdita enim non videbantur, cauſa armo-
 rum inferioris, ac ſuperioris Germaniæ commer-
 tia. Verum quocumque res ſe habuiſſet nos nec
 vni eramus loco addicti (res enim vrgebat), nec
 deſtitutos vno ſuo crine nos reliquit volubilis oc-
 caſio. Contigit namque vnicum fuiſſet exem-
 plar Genuam delatum, & ibidem qui meæ indi-
 gentiæ inuigilabat occurſum, recepit, & qua li-
 cuit celeritate tranſmiſit, videlicet, nulli parcen-
 do, per conſuetum tabellarium. Itaque poſt
 multum laboris, ac temporis plurimum, voti
 compos effectus, exploratum illicò habui, quàm
 res à conceptu diſtaret meo, & quàm ſobriè opor-
 teat relatis ſe committere alienis. Etenim author
 aliàs doctus, & apprimè accuratus, ad ea tantum,
 quæ in commentarijs habentur Eutocij apud Ar-
 chimèdem collecta veterum pro hoc argumento
 inuenta, per pauca appoſuerat, & conſimili à geo-
 metrico affecta, præterea quod adhuc minus ap-
 probandum cenſuimus, eorum fuit omnium re-
 petitio, quum in maiorem cedere videatur facul-
 tatis

tatis iniuriam, ex quo nihil aliud velint, qui eadem inculcant, quàm in faciem exprobare Geometriæ impotentiam, & consequenter ex eorum mente necesse fiat, ex antiqua serie adeò propagata, istis à geometricis toties iteratis locus demùm relinqui imperturbatus; quod sanè nos adhuc imperterriti è regione contendimus extra purioris Geometriæ castra oportere explodi, ac suis nationibus restitui, ac remitti; quare si nostra non corruant, oppugnatores perpendant argumentum à se inductum, à maiori ad minus negativum, ex dialecticis, quomodo concludant, deinde ea, quæ ad cheimeras, ignorantia ergo, tumida exprobatore remiserant, si breui viderint ex familia Geometriæ fuisse, sequetur ipsis ubi nunquam radijs sol collustret tenebras deberi Cymérias. Nos verò desertam hanc, qui ingressi fuimus provinciam perlustrandam, quæ accidere discrimina possent perpendentes, cadere animis in eorum contingentia, minimè debuimus, quasi immeditata euenerint; deinceps qui sanè, nostrum animi propositum, ad temeritatem, aut fastum ausi sint referre utique ex moribus proprijs, & temperamenti dispositione, aliena fallaciter iudicant, ac dimetiuntur. Non equidem illorum ductu, at cultu simpliciter veritatis, ac Geometricæ necessitatis amore compulsi, omnibus quæ indiuiduum respiciant neglectis in aciem non
pro-

prodire renuimūs, & hæc optimè **STELLVTE**
in nostræ veteris amicitiaē monumentum tecum
agere constitui, cū pro tua humanitate, & erga
me benevolentia æquè bonique consulere ambi-
gere nequeam. Vale.

A. S.

Fol. 3. lin. 9.

Lege.

DG est differentia

DG Q est differentia
quadrati FH

21. 16. vsi fuit

visi fuit

43. 9. \oint 13: AL

AF

46. 9. quat.

queat.

- follo 17. \oint pauca alia leuiora si occurrant facile
excusari possunt; verum luxata qua-
dam in figuris adnotasse præstat, nempe
in secunda figura L exculpi debuit,
quò M in F linea peripheriam fecet,
 \oint B L, L C iungi
24. pro casu secundo, linea 9 à fine, sche-
ma substituatur ex errore locatum folio
29, ex figura hexagona enim naturali-
tèr fit problema
- 33 in figura Pappi permutatim accipias K-
cum N.
abundat deinde M in figura pagine
25.

